

Қазақстан Республикасында жер қойнауын пайдалану құқығын берудің тәртібін бекіту туралы

Күшін жойған

Қазақстан Республикасы Үкіметінің 2000 жылғы 21 қаңтардағы N 108 Қаулысы. Күші жойылды - Қазақстан Республикасы Үкіметінің 2010 жылғы 30 желтоқсандағы № 1456 Қаулысымен

Ескерту. Күші жойылды - ҚР Үкіметінің 2010.12.30 № 1456 (алғашқы ресми жарияланған күнінен бастап күнтізбелік он күн өткен соң қолданысқа енгізіледі) Қаулысымен.

Қазақстан Республикасының Үкіметі қаулы етеді:

1. Қоса беріліп отырған Қазақстан Республикасында жер қойнауын пайдалану құқығын берудің тәртібі бекітілсін.

2. М ы н а л а р д ы ң :

1) "Қазақстан Республикасында жер қойнауын пайдалану жөнінде операциялар жүргізуге арналған келісім-шарттарды жасасудың тәртібі туралы және Жер қойнауын пайдалану құқығын кепілге беруге рұқсат берудің тәртібі туралы ережелерді бекіту туралы" Қазақстан Республикасы Үкіметінің 1998 жылғы 27 мамырдағы N 484 қаулысының (Қазақстан Республикасының ПҰАЖ-ы, 1998 ж., N 16, 139 - құжат);

2) "Қазақстан Республикасында жер қойнауын пайдалануды лицензиялау тәртібі туралы ережені бекіту жөніндегі" Қазақстан Республикасы Үкіметінің 1996 жылғы 16 тамыздағы N 1017 қаулысының (Қазақстан Республикасының ПҰАЖ-ы, 1996 ж., N 34, 321-құжат) күші жойылды деп танылсын.

3. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі

Қазақстан Республикасы
Үкіметінің
2000 жылғы 21 қаңтардағы
N 108 қаулысымен
бекітілген

**Жер қойнауын пайдалану құқығын берудің
Тәртібі**

Осы Тәртіп Пайдалы қазбаларды, оның ішінде мемлекеттік меншіктегі техногенді минералды түзілімдерден, Барлауға, Өндіруге, бірлескен Барлауға және Өндіруге арналған, сондай-ақ Барлаумен және/немесе Өндірумен байланысты емес жерасты құрылыстарын салуға және пайдалануға арналған құқықтарды қоса алғанда, Қазақстан Республикасында жер қойнауын пайдалану құқықтарын берудің тәртібін айқындайды.

Барлық өзгерістер мен толықтырулар ескеріле отырып Қазақстан Республикасы Президентінің "Жер қойнауы және жер қойнауын пайдалану туралы" 1996 жылғы 27 қаңтардағы N 2828 заң күші бар Жарлығымен және Қазақстан Республикасы Президентінің "Мұнай туралы" 1995 жылғы 28 маусымдағы N 2350 заң күші бар Жарлығымен айқындалған ұғымдар мен терминдер осы Тәртіпте қолдануға жатады. Z100291 қараңыз

Жер қойнауын пайдалану құқығын берудің тәсілдері

1. Жер қойнауын пайдалану құқығы қолданылып жүрген заңдарға сәйкес екі т ә с і л м е н :

1) жер қойнауын пайдалану құқығын алуға арналған инвестициялық бағдарламалардың конкурсын (бұдан әрі - Конкурс) өткізу және Келісімшарт ж а с а с у ж о л ы м е н ;

2) тікелей келіссөздер жүргізу және Келісімшарт жасасу жолымен беріледі.

2. Жер қойнауын пайдалану құқығы Келісімшарт жасалған сәттен бастап қана берілген және пайда болған болып саналады.

2-1) егер өтініш беруші Ұлттық компания болып табылған жағдайда;

2-2) Қазақстан Республикасы Президентінің "Жер қойнауы және жер қойнауын пайдалану туралы" 1996 жылғы 27 қаңтардағы N 2828 заң күші бар Жарлығымен 73-тармағында белгіленген жағдайда.

Ескерту. 2-1), 2-2)-тармақшалармен толықтырылды - ҚР Үкіметінің 2001.06.29. N 894 қаулысымен.

Тікелей келіссөздер жүргізу жолымен жер қойнауын пайдалану құқығын беру

3. Жер қойнауын пайдалану құқығы мынадай жағдайларда:

1) егер өтінім берушінің жасалған Барлауға арналған Келісімшарттың негізінде Барлау жүргізуге байланысты Өндіруге арналған құқықты алуға ерекше құқығы болған жағдайда;

2) Барлаумен және/немесе Өндірумен байланысты емес жерасты құрылыстарын салуға және/немесе пайдалануға Келісімшарт жасалған жағдайда;

2) үш метрден артық тереңдікте салынған тоннельдер, метрополитендер, жерасты жыл өтпелері және инженерлік құрылыстар;

2-1) егер өтініш беруші Ұлттық компания болып табылған жағдайда;

2-2) Қазақстан Республикасы Президентінің "Жер қойнауы және жер қойнауын пайдалану туралы" 1996 жылғы 27 қаңтардағы N 2828 U962828_ заң күші бар Жарлығының 73-тармағында белгіленген жағдайда;

3) Қазақстан Республикасының заң актілерінде көзделген өзге де жағдайларда тікелей келіссөздер жүргізу және Келісімшарт жасасу жолымен беріледі.

3-1. Барлаумен және/немесе Өндірумен байланысты емес Құрылысқа және/немесе жерасты құрылыстарын пайдалануға Қазақстан Республикасында жер қойнауын пайдалану құқығын беруге арналған Келісімшарттарды жасау жөніндегі тікелей келіссөздер объектілері болып табылады:

1) мұнай және газ, сондай-ақ оларды қайта өңдеу өнімдерін сақтау орындары мен олардың резервуарлары үшін жерасты және топырақ қабатынан төмен тереңдетілген құрылыстары;

3) қорды жасанды толтыру үшін жер қойнауына жерасты суларын қотаруға арналған құрылыстар;

4) қатты, сұйық қалдықтарды, зиянды улы заттарды көму мен қоймаға салуға және ағын және өнеркәсіптік суларды жер қойнауына ағызуға арналған қалдықтарды, шайындыларды сақтау орны болып табылады.

Ескерту. 3-1-тармақпен толықтырылды - ҚР Үкіметінің 2001.06.29. N 894 қаулысымен.

4. Тікелей келіссөздерге қатысуға арналған өтінімдер:

1) өтінім берушінің атауын;

2) өтінім берушінің мекен-жайын;

3) мемлекеттік тиесілілігін (заңды тұлғалар үшін), азаматтығын (жеке тұлғалар үшін);

4) заңды тұлғаның басшылары немесе иелері мен өтінім берушінің атынан өкілдік ететін адамдар туралы деректерді;

5) өтінім берушінің техникалық, басқарушылық, ұйымдастырушылық және қаржылық мүмкіндіктері туралы деректерді;

6) тікелей келіссөздерді жүргізудің негіздемесіне қарай Құзыретті орган талап еткен өзге де ақпаратты қамтуы тиіс.

4-1. Барлаумен және (немесе) Өндірумен байланысты емес жер асты құрылыстарын салуға және (немесе) пайдалануға Келісім-шарт жасасу үшін тікелей келіссөздерге қатысуға өтінім, сондай-ақ мыналарды қамтуы тиіс:

1) зиянды, улы заттарды, қатты және сұйық қалдықтарды көму, ағын және өнеркәсіптік суларды ағызу орындары объектілерінің жалпы сипаттамасы (объектінің орналасқан жері, пайдалану мерзімі, ұстауға арналған шығындар, жер

асты сулары, қоршаған орта және жер қойнауы мониторингі қадағалау желісінің болуы және орналасуы);

2) объектілердің физикалық сипаттамасы-оқшаулану сипаттамасы, тау жыныстарының түрлері, коллекторлық қабаттың орналасу тереңдігі және тиімді қуаты, оның алаңы, кеуектену коэффициенті, астыңғы және үстіңгі су ұстағыштардың сипаттамасы, жер асты сулары табиғи ағынының жылдамдығы, сандық және сапалық көрсеткіштер, тау-кендік, арнайы инженерлік-геологиялық, гидрогеологиялық және экологиялық көму, қоймағасалу және ағызу шарттары;

3) қызметі зиянды, улы заттардың, қатты және сұйық қалдықтардың, ағын және өнеркәсіптік сулардың пайда болуына әкеп соғатын ұйымдар туралы мәліметтер (орналасқан жері және ведомстволық тәуелділігі);

4) зиянды, улы заттардың, қатты және сұйық қалдықтардың, ағын және өнеркәсіптік сулардың сипаттамасы (өнімнің атауы, нәтижесінде өнім пайда болатын техникалық өндіріс немесе процесс, олардың физикалық сипаттамасы, толық химиялық құрамы, улы компоненттердің болуы, өрт-жарылғыш қауіптілігі, ерігіштігі, сақталған кездегі басқа заттармен сыйымдылығы, ластандыратын негізгі радионуклидтер, олардың белсенділігі, тасымалдау жүйелерінің сипаттамасы);

5) геологиялық ақпараттың мемлекеттік сараптамасының қорытындысы;

6) мемлекеттік экологиялық сараптаманың қорытындысы.

Ескерту. 4-1-тармақпен толықтырылды - ҚР Үкіметінің 2002.11.01. N 1160 қаулысымен.

5. Құзыретті орган өтінім берушіге тікелей келіссөздерді жүргізудің басталу мерзімін қоса алғанда тікелей келіссөздер жүргізу жөніндегі шешімнің қабылданғандығы немесе тікелей келіссөздер жүргізуден бас тартылғандығы туралы өтінім берілген күннен бастап 3 айдың ішінде жауап беруге міндетті.

Барлауға, Өндіруге және бірлескен Барлау мен Өндіруге жер қойнауын пайдалану құқығын алуға арналған инвестициялық бағдарламалардың конкурсын өткізуді ұйымдастыру

6. Пайдалы қазбаларды, оның ішінде мемлекеттік меншіктегі техногендік минералды құралымдардан Барлауға, Өндіруге және бірлескен Барлау мен Өндіруге арналған жер қойнауын пайдалану құқығын беру осы Тәртіптің 3-тармағында белгіленген жағдайларды қоспағанда, инвестициялық бағдарламалардың конкурсын (бұдан әрі - Конкурс) өткізу жолымен жүргізіледі.

7. Конкурсты өткізуді ұйымдастыруды Құзыретті орган жүзеге асырады. Конкурстық комиссияның құрамын Құзыретті орган қалыптастырады және Қазақстан Республикасының Үкіметі бекітеді.

8. Конкурстар өткізудің тәсілі бойынша ашық немесе жабық болуы мүмкін. Ашық конкурс қатысушылардың шектеусіз шеңберінің арасында жүргізіледі. Ашық конкурс өткізу және оның шарттары туралы құлақтандыру бұқаралық ақпарат құралдарында жарияланады. Жабық конкурс оның ықтимал қатысушыларына құлақтандыру жолдау жолымен адамдардың шектеулі шеңберінің арасында жүргізіледі.

9. Осы Тәртіптің 8-тармағына сәйкес жарияланатын не жолданатын құлақтандыруларды жариялаудың не жолдаудың мерзімін оған қатысты конкурс жарияланатын объектінің (жер қойнауы учаскесінің) ерекшелігіне қарай Құзыретті орган айқындайды.

Конкурсты өткізу туралы құлақтандыру:

- 1) өткізудің уақыты мен өтетін жерін;
- 2) өтінімдер берудің мерзімін;
- 3) конкурстың негізгі шарттарын;
- 4) конкурсқа қойылатын жер қойнауы учаскесінің (блоктың) орналасқан жері мен қысқаша сипаттамасын;
- 5) геологиялық ақпараттар пакетінің құнын;
- 6) жазылып алынатын бонустың ең төменгі мөлшерлерін;
- 7) оны төлеуге арналған деректемелерді көрсете отырып Құзыретті орган белгілейтін конкурсқа қатысу құқығы үшін жарнаның мөлшерін қамтуы тиіс.

Құлақтандыруда Конкурсты өткізудің шарттары туралы өзге де ақпарат көрсетілуі мүмкін.

10. Конкурсқа қатысуға өтінім:

- 1) өтінім берушінің атауын;
- 2) өтінім берушінің заңды мекен-жайы мен негізгі қызмет орнының мекен-жайын;
- 3) мемлекеттік тиесілілігін (заңды тұлғалар үшін), азаматтығын (жеке тұлғалар үшін);
- 4) заңды тұлғалардың басшылары немесе иелері мен өтінім берушінің атынан өкілдік өтетін адамдар туралы деректерді;
- 5) өтінім берушінің құжаттамалық жағынан расталған техникалық, басқарушылық, ұйымдастырушылық және қаржылық мүмкіндіктері туралы деректі қамтуы тиіс.

11. Конкурсқа өтінімдерді қабылдауды және ресімдеуді Құзыретті орган жүзеге асырады. Мұндай өтінімдер өтінім беруші конкурсқа қатысу үшін жарна төлегеннен кейін қарауға қабылданады. Өтінім берушіге Конкурсқа қатысуға

өтінімнің қабылданғандығы туралы өтінім түскен күннен бастап бір ай мерзімде ресми құлақтандырылады.

12. Құзыретті орган Конкурса қатысуға өтінім қабылданғаннан кейін өтінім берушіге ол бойынша жер қойнауын пайдалану құқығын беру ұйғарылған жер қойнауы учаскесіне (блогына) арналған геологиялық ақпараттардың пакетін береді. Геологиялық ақпараттардың пакетін жер қойнауын пайдалану және қорғау жөніндегі мемлекеттік орган қалыптастырады және өтінім берушіге конкурстық ұсынысты әзірлеу үшін қажетті геологиялық ақпаратты қамтуы тиіс. Әртүрлі өтінім берушілер ұсынатын геологиялық ақпараттардың пакеті бірдей болуы тиіс.

13. Құзыретті орган мынадай:

- 1) осы Тәртіптің талаптарын бұза отырып өтінім берген;
- 2) өтінім беруші өтінімде жалған немесе дұрыс емес мәліметтер ұсынған;
- 3) өтінімде өтінім берушінің Конкурса қатысуға өтінімде көрсетілген Барлау және/немесе Өндіру үшін қажетті техникалық, ұйымдастырушылық, басқарушылық және қаржылық мүмкіндіктерге ие екендігі немесе ие болатындығы туралы құжаттамалық куәліктердің болмауы жағдайларында Конкурса қатысуға өтінімдерді қабылдаудан бас тартуға құқылы.

14. Конкурса қатысуға жарна төлеу жөніндегі шығындарды қоса есептегенде Конкурса қатысушы шеккен шығындар қайтарылуға не өтелуге жатпайды.

Конкурстық ұсыныс

15. Өтінім беруші Конкурстың шарттарында белгіленген мерзімдерде конкурстық ұсыныс жасайды. Құзыретті органға келіп түскен және Конкурса жіберілген Конкурстық ұсыныс Конкурса қатысушыларға қайтарылуға жатпайды. Конкурстық ұсыныс осы Тәртіптің Конкурсты өткізудің тәртібі мен өтінім берушінің міндеттеріне қатысты шарттарымен танысқандығы туралы сілтемені қамтуы тиіс.

16. Конкурсты өткізу процесінде өтінім беруші комиссияның шешімі бойынша Конкурстық ұсынысты жақсартып алады. Конкурстық ұсынысқа өзгерістер мен толықтырулар оларды берудің мерзімі көрсетіле отырып қосымша ресімделеді. Ұсыныс өзгерістер мен толықтырулар Құзыретті органға берілген және оларды Құзыретті орган тіркеген сәттен бастап жақсартылған болып саналады.

Конкурстың қорытындыларын шығару және Конкурстың жеңімпазын анықтау

17. Конкурстық комиссия алынған конкурстық ұсыныстарды бағалаудың қорытындылары бойынша Конкурстық жеңімпазы туралы шешім қабылдайды және тиісті хаттама ресімделеді. Аталған хаттама жеңімпаздың конкурстық ұсынысы қоса беріле отырып конкурстық комиссияның Конкурстың жеңімпазын іріктеу жөніндегі шешімін қамтиды, оған конкурстық комиссияның мүшелері мен комиссияның төрағасы қол қояды

18. Конкурстың жеңімпазын мынадай негізгі өлшемдер жиынтығының:

1) Барлауды және/немесе Өндіруді жүргізуді бастаудың және қарқындылығының, Өндірудің рентабелділігі мен Өндіру жобасының түсімділігіне қол жеткізудің мерзімінің;

2) бюджетке бастапқы сондай-ақ одан кейінгі төлемдердің ұйғарылып отырған мөлшерлерінің;

3) инвестициялардың, жобаны қаржыландырудың мерзімдері мен шарттарының және келісімшарттық аумақтың өндірістік және әлеуметтік инфрақұрылымдарын дамытуға күрделі салымдардың мөлшерінің;

4) жер қойнауы мен қоршаған ортаны қорғау жұмыстарды қауіпсіз жүргізу жөніндегі заңдар мен нормативтік актілер талаптарының сақталуының негізінде конкурстық комиссия айқындайды.

19. Конкурстық ұсыныстар мазмұнының салыстырмалы теңдігі жағдайында конкурстық комиссия Конкурстың түпкілікті жеңімпазын айқындау мақсатында Конкурс жеңімпаздарының "қысқаша тізімін" (аралық тізімін) айқындауға құқылы. Конкурстық комиссия Конкурстың түпкілікті жеңімпазын айқындау мақсатында Конкурс жеңімпаздарының "қысқаша тізіміне" қатысушылардан конкурстық ұсынысқа қатысты қосымша ақпарат сұратуға құқылы. Конкурстың аралық жеңімпаздар осы Тәртіптің 16-тармағының шарттарын сақтай отырып өздерінің конкурстық ұсынысын жақсартуға құқылы. Конкурстың түпкілікті жеңімпазы хаттамамен ресімделеді.

20. Құзыретті орган жабық конкурстың жеңімпазына оның Конкурста жеңіске жеткендігі туралы ресми түрде хабарлайды. Ашық конкурстың нәтижелері ресми баспа органында жарияланады. Осы Тәртіптің 20-тармағына сәйкес жүзеге асырылатын, Конкурстың жеңімпазы туралы хаттаманы ресімдеу сәті - Конкурстың аталған жеңімпазының конкурстық ұсыныста көзделген шарттармен салыстырғанда Қазақстан Республикасына қатысты неғұрлым тиімді шарттарда Келісімшарт жасасуға және осы Тәртіпте айқындалған өзге де шарттарды орындауға арналған міндеттемелері пайда болған сәт болып есептеледі.

Конкурсты өтпеген деп тану

21. Конкурсқа қатысушылардың санына шек қойылмайды. Конкурсқа бір өтінім беруші ғана қатысқан жағдайда конкурс өтпеген болып танылады.

Конкурс өтпеген деп танылған жағдайда конкурстық комиссия

инвестициялық бағдарламалар конкурсынан объектіні алуға немесе құзыретті орган айқындаған тәртіппен қайталама конкурс белгілеуге құқылы.

Тек бір өтінім берушінің болуына орай қайталама конкурс өтпеген деп танылған жағдайда конкурстық комиссия құзыретті органға келіссөздердің негізінде және Қазақстан Республикасы үшін ол конкурстың ұсыныста ұсынғаннан тиымсыз емес шарттарда мұндай өтінім берушімен келісімшарт ж а с а у ғ а қ ұ қ ы қ т ы .

Ескерту. Абзацпен толықтырылды - ҚР Үкіметінің 2001.06.29. N 894 қаулысымен.

22. Қазақстан Республикасының қолданылып жүрген заңдарында көзделген басқа негіздемелер бойынша да Конкурс өтпеген болып танылады.

Келісімшарт жасасудың тәртібі

23. Келісімшарт жасасу жөнінде келіссөздер жүргізу үшін:

1) Құзыретті органның тікелей келіссөздерді жүргізуге арналған шешімі;
н е м е с е

2) конкурстық комиссияның Конкурсстың жеңімпазы туралы хаттамасы негіздеме болып табылады.

24. Құзыретті орган мен Жер қойнауын пайдаланушы Келісімшарттың тараптары болады.

25. Қазақстан Республикасының Энергетика және минералдық ресурстар министрлігі Пайдалы қазбаларды, сондай-ақ Техногендік минералдық түзілімдердің пайдалы қазбаларын Барлауға, Өндіруге, аралас Барлауға және Өндіруге арналған келісімшартты жасасуға қатысты Құзыретті орган болып т а б ы л а д ы .

Қазақстан Республикасы Энергетика және минералдық ресурстар министрлігінің Геология және жер қойнауын қорғау комитеті Барлаумен және/немесе Өндірумен және жер қойнауын мемлекеттік геологиялық зерттеумен байланысты емес жерасты құрылыстарын салуға және/немесе пайдалануға арналған Келісімшартты жасасуға қатысты Құзыретті орган болып табылады.

Жергілікті атқарушы органдар Коммерциялық мақсатта Кең тараған пайдалы қазбаларды Барлауға және/немесе Өндіруге арналған Келісімшартты жасасуға қатысты Құзыретті орган болып табылады.

Жеке және заңды тұлғалар Келісімшарт бойынша жер қойнауын пайдаланушы болып табыла алады. Егер жер қойнауын пайдалану құқығы кейін жер қойнауын пайдалану құқығының бірлескен иелері болып табылатын бірнеше жеке және/немесе заңды тұлғаларға берілсе, онда Келісімшарт Құзыретті орган мен осындай жеке және/немесе заңды тұлғалардың арасында жасалады. Бұл ретте жер қойнауын пайдаланушылардың Келісімшарттың талаптарын орындау жөніндегі өзара құқықтары мен міндеттері жер қойнауын пайдаланушылардың

арасындағы шартпен (келісіммен) айқындалады және Келісімшарттың ажырамас бөлігі болып табылады.

Ескерту. 25-тармаққа өзгерту енгізілді - ҚР Үкіметінің 2001.06.29. N 894 қаулысымен.

26. Келіссөздерді мүдделі министрліктер мен ведомстволар өкілдерінің міндетті қатысуымен Құзыретті органның жұмыс тобы жүргізеді. Жұмыс тобының құрамын министрліктер мен ведомстволар ұсынған кандидатуралардың негізінде Құзыретті орган бекітеді.

Келісімшартты дайындау және келісу

27. Келісімшарттың жобасын моделдік келісімшарттың қағидаларын ескере отырып жер қойнауын пайдаланушы дайындайды және конкурстық комиссия Конкурстың жеңімпазы туралы хаттаманы ресімдеген не Құзыретті орган тікелей келіссөздер жүргізу туралы шешім қабылдаған сәттен бастап 90 күннен кеш емес мерзімде ұсынылады. Кең тараған пайдалы қазбаларды Барлауды және/немесе Өндіруді жүргізуге арналған Келісімшарттың жобасын моделдік келісімшарттың негізінде жер қойнауын пайдаланушы дайындайды және тиісті әкім шешім қабылдаған сәттен бастап 30 күннен кеш емес мерзімде ұсынылады.

28. Құзыретті орган жобаның экономикалық параметрлерін айқындау мақсатында Экономика және бюджеттік жоспарлау министрлігімен және Қаржы министрлігімен, ал Кең таралған пайдалы қазбалар бойынша - облыстық экономика басқармасымен және аумақтық салық органымен бірлесіп қаржы-экономикалық моделді қарайды.

Ескерту. 28-тармаққа өзгерту енгізілді - ҚР Үкіметінің 2001.06.29. N 894, 2002.11.01. N 1160 қаулыларымен.

29. Келісімшарттың тараптармен келісілген жобасы оған қол қойылғанға дейін Келісімшарттың жобасы алынған сәттен бастап 30 күн мерзімде тиісінше Экономика және бюджеттік жоспарлау министрлігінде және Қаржы министрлігінде міндетті экономикалық және салықтық сараптама жасауға ж а т а д ы .

Ескерту. 29-тармаққа өзгерту енгізілді - ҚР Үкіметінің 2001.06.29. N 894, 2002.11.01. N 1160 қаулыларымен.

30. Келісімшарттың жобасы 30 күн мерзімде Әділет министрлігімен, ал Кең таралған пайдалы қазбалар бойынша Қазақстан Республикасы Әділет министрлігінің тиісті аумақтық органымен, сондай-ақ алынған күннен бастап мына министрліктермен және ведомстволармен:

1) қоршаған табиғи ортаны қорғау мәселелері бойынша - Қазақстан Республикасының Қоршаған ортаны қорғау министрлігімен, ал Кең таралған пайдалы қазбалар бойынша - оның аумақтық органдарымен;

Барлаумен және/немесе Өндірумен байланысты емес Құрылыс және/немесе

жерасты құрылыстарын пайдалану үшін жарамды жер қойнауын пайдалану, қорғау және Қойнаулар учаскелерінің кенсіздігін анықтау мәселелері бойынша - Қазақстан Республикасы Энергетика және минералдық ресурстар министрлігінің Геология және жер қойнауын қорғау комитетімен, ал Кең таралған пайдалы қазбалар бойынша - оның аумақтық органдарымен;

2) денсаулық сақтау мәселелері бойынша - Қазақстан Республикасының Денсаулық сақтау министрлігімен, ал Кең таралған пайдалы қазбалар бойынша оның аумақтық бөлімшелерімен;

3) жұмыстарды қауіпсіз жүргізу мәселелері бойынша - Қазақстан Республикасы Төтенше жағдайлар министрлігімен міндетті келісуге жатады.

Ескерту. 30-тармаққа өзгерту енгізілді - ҚР Үкіметінің 2001.06.29. N 894, 2002.11.01. N 1160, 2006.04.28. N 340, 2006.12.04. N 1164 қаулыларымен.

31. Құзыретті орган Келісімшарттың талаптарын әзірлеу процесінде тәуелсіз консультанттар мен сарапшыларды тартуға құқылы. Тәуелсіз консультанттар мен сарапшыларды тартуға байланысты барлық шығындарды Қазақстан Республикасының Үкіметі белгілеген тәртіпте мердігер өтейді.

32. Келіссөздер жүргізілгеннен, Келісімшарттың жобасына сараптама жүргізілгеннен және ол келісілгеннен кейін Келісімшартқа бірінші басшы, орынбасары немесе оның тапсырмасы бойынша өзге де уәкілетті адам мен жер қойнауын пайдаланушының уәкілетті өкілі қол қояды.

33. Келісімшарттың талабы конкурстық ұсыныстың шарттарымен салыстырғанда Қазақстан Республикасына қатысты тиімділігі төмен бола алмайды. Конкурс жеңімпазының конкурстық ұсыныста айқындалған шарттармен салыстырғанда Қазақстан Республикасына қатысты тиімділігі аз шарттарда Келісімшарт жасасудан бас тартуы Конкурс жеңімпазы міндеттемелерінің айтарлықтай бұзылуы болып саналады.

34. Келісімшарт пайдалы қазбалардың Келісімшартта көрсетілген түрін ғана Барлауға және/немесе Өндіруге құқық береді. Құзыретті орган Келісімшартта қамтылған түрлердің тізбесіне енбеген Пайдалы қазбалардың қорлары табылған жағдайда, Келісімшартқа тиісті өзгерістер мен толықтырулар енгізу жолымен мұндай Пайдалы қазбаларды Өндіру жөніндегі шарттарды айқындауға құқықты.

35. Тараптар өзара келісім бойынша жазбаша нысанда келіссөздер жүргізу жолымен Келісімшартқа өзгерістер және/немесе толықтырулар енгізуге құқылы. Қабылданатын өзгерістерді және/немесе толықтыруларды келісу және сараптама жасау аталған өзгерістер және/немесе толықтырулар құзыретіне жататын министрліктермен және ведомстволармен ғана жүзеге асырылады. Бұл ретте енгізілетін өзгерістер конкурстық ұсыныста айқындалған шарттармен салыстырғанда Қазақстан Республикасына қатысты тиімділігі төмен бола алмайды.

Келісімшарттарды тіркеу және сақтау

36. Келісімшарт қол қойылғаннан кейін оны жасасқан мемлекеттік органда міндетті мемлекеттік тіркелуге жатады. Келісімшартты тіркеген мемлекеттік орган Келісімшарттардың мемлекеттік тіркелуінің тізілімін жүргізеді.

37. Құзыретті орган жер қойнауын пайдаланушыға беретін белгіленген үлгідегі сертификат Келісімшарттың тіркелуін куәландыратын құжат болып табылады.

38. Келісімшартқа өзгерістер мен толықтырулар да Келісімшарттардың мемлекеттік тіркелуінің тізіліміне енгізу жолымен тиісті мемлекеттік органның тіркеуіне жатады. Келісімшарт пен оған өзгерістер және/немесе толықтырулар олар тіркелген сәттен бастап күшіне енген деп танылады.

39. Жасалған Келісімшартты сақтауды оны тіркеуді жүргізген тиісті мемлекеттік орган жүзеге асырады.

40. Келісімшарттың көшірмесі оны Құзыретті орган тіркегеннен кейін міндетті түрде Қазақстан Республикасының Қоршаған ортаны қорғау министрлігіне, Қаржы министрлігіне жолданады.

Ескерту. 40-тармаққа өзгерту енгізілді - ҚР Үкіметінің 2002.11.01. N 1160 қаулысымен.